


啓禎野乘二卷三
至四



啓禎野乘二冊



啟禎野乘一集

卷三

梁溪鄒

漪流綺甫纂



薛布政傳

公名近堯字信余號又損武進人學憲方山公子也
 方山富文學制舉義為當代大家公少凌峭有餐霞
 出塵想歷官浙江雲南布政以首薦僉憲何公士晉
 忤要人意告病歸里居二年而卒得年五十三公在
 仕途三十餘年第宅不一拓田畝不再增嘗分司淮
 揚故事漕艘過每舟釀一金公禁不許入他所却數

千金者更多。舟早晚通流。人大便之。未及期。漕以竣。在浙藩。舊例贏金及公費津貼無算。一無所取。通鹽惠農。坐鈴閣。靜悄訟以不煩。性頡頏。閣臣過淮。深居不出。謁浙中。筦舟船非例索者。一切不與。他居間來。盡空手去。鞅鞅時。東林倡學者。各方張公口。未嘗不數數稱善。頡頏議論不肯隨從。昂昂自如。居漠然寡交。游率意行街。大布欵冠。所與投狎者。多里中故友。傳觴呼盧徹宵。旦或連日不休。而豪貴人便恥與一面。孫文介謂當時爲公府者。若不知鄉紳之有薛公爲

市廛者。亦不知里紳之有薛氏也。其和易坦率。又如此卒之日。遺命歛用杉棺。角巾素袍。自題銘旌。稱損道人。兩姪長敷。政號純臺官御史。另有傳。次敷教號。玄臺官學正。入仕卽疏。爭言路回籍省過。竝封議起。又與禮部郎陳泰來等建言已而京察執法峻。貴人多不便。有出而撓。二百年計典者。再疏力爭。謫光州學正。歸而講學東林。天下號爲儒者。以卒在萬曆間。不載其季子憲岳。性至孝。博古能文。晚入太學。甲子秋感時事。棄青衿。浪遊湖山間。甲申正月卒。謂兒子

案及子華曰大亂已成。吾猶得以角巾深衣侍先公。及顧高諸公于地下。汝等不可得矣。案字諧孟登辛。未進士官。開封知府。後爲僧。名米號堆山。隱居五牧。卽家爲庵。詩文敏妙。有倚馬才。天下爭傳誦之。蓋其家學淵源。爲吳中文獻所係云。

論曰予交堆山大師稔知先生家世甚詳。先生固以忤奸而去官也。當先生薦何公時。以語孫文介。文介曰。誤矣。非開府料矣。先生愕問。故文介謂何方以張差事。劾貴戚爲要人所切齒。子忽薦之。是明于人品。

明于世道而未免誤于官也。先生因揚揚大唱所薦。堙輪欲問狐投鼠。不忌器語以自信。豈非立意較然。不欺其志者。與至其德及于民。行孚乎俗。一塵不染。三事克全。所由與聲色貨利俯仰浮沉者。異矣。

丁尚寶傳

公諱元薦字長孺號慎所浙江長興人也少負異姿弱冠廩於庠從顧涇陽馮具區兩先生問業聲譽鵲起登萬曆丙戌進士予告丁外艱至癸巳謁選授中書舍人甫匝月上封事萬言極陳時弊可寒心者三可浩歎者七坐視而不可救藥者二皆關天下大計時光宗儲位未定有三王並封議公封事中多責備婁江相國婁江惡之尋請使事去還朝丁內艱己亥京察以浮躁落級積十二年庚戌起補廣東臬司

經歷尋召爲禮部主客司主事。又踰年辛亥之官。時
京察甫竣。太宰孫富平爲反噬者所訐。其黨和之。舉
朝鼎沸。度無能解之者。公乃起而抗疏。臚諸奸罪狀。
并發其邪謀害正。凡數千言。其黨轉攢矢攻公。公再
疏極爭。條具剖真心。覈名實。重大體。平物情。端學脉。
五者。三疏再披。微誠以存公道。皆反復君子。小人消
長治亂之際。疏入不報。遂移疾去。在主客三月。所主
出夷八貢者。皆感悅。旣去。有泣下者。其後富平諸正
人相繼去國。時事日非。詆東林曰門戶。籍朝士賢者
入之。人人以講學爲諱。至以六經亂天下語入省。闢
策問。公家居不勝忿。乙卯復馳疏闕下。爭國是。及亂
政之叛。高皇邪說之叛孔子者。語多激壯。亦不報。
丁巳京察。遂以不謹削籍。或謂稍通欵要。人可免。公
曰。此膝一屈。可復伸乎。歸而卜築山溪。時集同志講
學。談道。刻程朱道命錄以見志。天啓初起廢籍。諸臣
至公。獨以察典格。久之臺省交訟。起刑部簡較。尋晉
尚寶丞少卿。而公已病。會逆闖用事。大創門戶。公病
中輒扼腕。詔削公職。未幾卒。得年六十有六。公性伉

慨負奇氣。遇事勇往直前。無所回互。然一本之忠孝。惻怛。嘗謂大丈夫寧壁碎。毋寧瓦全。好談古今節烈奇事。至擊節掀髯。聽者忘倦。尤嗜義若渴。如爲鄉紳陳潛齋立後。而剔螟蛉之篡。繼贖名臣蔣侍郎賜塋。於豪有力之手。而復其蒸嘗。援劉清惠公曾孫女于羣乞中。且擇儒生而嫁之。歛明經臧大咸于長安旅邸。皆其較著者。吳俗善逋賦。以鄉紳家悉免徭。而富民復事詭寄。獨累貧丁賣妻鬻子女。以供追呼。有斃命篋楚者。時朱文寧倡均徭議。大爲梓里譁。謀之公。公曰。是殆難以口舌爭。因先自計田占役。與編戶等譁者。口塞。役法自此少變。長興盜起。破城殺令。事聞。家人皇迫請避。公叱曰。義不共國。無可避也。且吾一舉足。如全城何。立設殊賞。鼓勇殺賊。所居郡縣。謝絕一切造請。有投以暮夜金者。却必峻。或廉其在。卽密解之。不令人知。凡知交當路。絕無一毫染指。嘗吟臨川詩。以自况。曰。欲識金銀氣。多從黃白遊。一生癡絕處。無夢到徽州。其廉介絕塵如此。所著有西山日記。奏疏若干卷。

論曰。丁先生弱冠策名。白首家食。蓋終其身不遑一
席煖于朝也。當沈烏程大拜時。慕先生甚。邀會於前
途。先生謝不往。笑曰。豈有白首曹郎。艤小舸於相公
舟側者乎。及魏孔時給諫還朝。過高忠憲先生。先在
焉。因請先生一交。給諫先生曰。吾老矣。不能涉嫌。要
津。便飛棹而返。後給諫奪官歸。方通尺素。定交。嗚呼。
此先生細行也。而風義概見矣。顧獨切切孜孜。飢溺
當世。有物於中。必欲一吐之。君父而後快。雖刀鋸鼎
鑊。不少避焉。先生又豈獨善其身者乎。余每見諸曹

則柔聲下氣。仰鼻息于尚書侍郎。一階半級。苟得速
化為幸。求如丁先生之鷲。特不屈。可多得哉。

方巡撫傳

附子惟馨

公諱震孺字孩未直隸桐城人也遷壽州母孔孺人
夢正學先生來寤而生公因以命名稍長穎異骨肉
皆香舉萬曆癸丑進士福清葉公向高極器重之訂
以館選因母病遽歸授福建沙縣知縣御牛稅數
千金政令清嚴教化簡易兩舉卓異擢湖廣道御史
時諸要人皆欲擅權橫分區類禁錮名賢公力請開
門戶之禁先後薦起趙公南星高公攀龍數輩皆一
時名臣光熹繼立逆璫魏忠賢結客氏將恣不法公

疏陳三朝艱危首以在床在旁為言請遂忠賢併遠
 客氏而巡南城璫甥傅應星效齊民妻公案之下岸
 獄璫踵門躬請公笑曰安有縱之粹人妻而不斬之
 君不聞繁水加劍古貴臣之義乎貴臣侵璫也璫恚
 甚日欲得公而甘心焉會遼陽不守公一日十三疏
 增巡撫通海運調邊兵易調馬語皆中款每五鼓即
 搥公卿門籌畫痛哭而又自請犒師言臣本柔脆書
 生當此炎天烈日之中猶有熱血黃沙之想凡以激
 天下忠臣孝子使其心東向耳蓋是時三岔以西四
 百里無人烟衆棄之莫敢往公慨然就道齋恤方
 而按遼之命下矣比受事則日陳師河上與北兵數
 萬對壘居不廬食不火厓羸無人狀相持七月卒不
 得渡公感憤時事疏言廣寧情形毋論戰不成戰併
 亦守不成守又言經撫心同乎異疆事必致大壞後
 皆一一不爽時鄒忠介公移書問遼事公手復千言
 末云能依孺以羅一貴劉徵為大將用精兵三萬守
 鎮武可保廣寧十年無事不則必亡會主者僅與兵
 五千人而又自任能守舉朝壯之公窘甚又移忠介

書曰○鎮武不守○廣寧無幸矣○老先生三朝元老○乞爲○
一○爭○震○孺○一○腔○癡○血○灑○而○無○益○後○一○貴○與○微○斬○殺○無○
莫○鎮○武○城○破○力○盡○矢○窮○猶○西○向○再○拜○曰○吾○以○此○一○死○
報○方○公○也○壬○戌○正○月○公○差○當○瓜○代○而○前○屯○造○冊○而○清○
兵○夜○渡○岔○河○巡○撫○稟○廣○寧○走○大○帥○祖○大○壽○擁○殘○兵○駐○
覺○華○島○上○公○痛○哭○曰○天○下○安○危○在○此○一○着○若○媾○祖○兵○
以○攻○榆○關○豈○有○幸○哉○帥○都○司○張○○○○○航○海○見○大○壽○責○
以○大○義○曰○將○軍○歸○相○保○以○富○貴○不○歸○孺○請○以○頸○血○濺○
將○軍○今○日○死○○大○壽○泣○公○亦○泣○遂○攜○糧○十○萬○兵○

數○萬○西○歸○而○嫉○公○者○不○以○告○嗾○主○事○吳○淳○夫○徐○大○化○
逢○璫○意○論○公○攘○差○嗟○乎○何○差○不○可○攘○而○攘○僅○僅○一○衛○
之○差○攘○刀○頭○誓○歿○之○差○耶○事○下○部○院○議○總○憲○鄒○公○元○
標○奮○筆○曰○御○史○保○全○山○海○無○過○且○有○社○稷○功○不○知○大○
化○是○何○肺○腸○偏○欲○中○傷○善○類○罷○免○之○而○給○事○中○郭○興○
治○遂○偕○道○學○以○逐○總○憲○鄒○公○去○位○公○亦○乞○歸○乙○丑○璫○
與○魏○廣○微○興○大○獄○募○叅○方○御○史○者○賞○京○堂○郭○興○治○再○
應○募○論○公○河○西○贓○私○矯○旨○逮○問○授○意○緹○騎○曰○毋○逮○生○
御○史○來○是○時○公○岌○岌○也○璫○揚○言○赤○族○先○焚○公○宅○僅○多○

爛○歾○親○故○鳥○散○長○安○傳○公○火○矣○公○束○身○待○梟○府○廨○比○
械○至○詔○獄○掠○公○坐○贓○六○千○四○百○日○一○杖○比○公○大○呼○皇○
天○后○土○竟○欲○殺○直○臣○耶○對○簿○卒○不○定○大○司○寇○李○公○養○
正○力○爭○者○三○公○弟○震○仲○震○鼎○哭○於○范○公○廨○公○房○公○海○
客○二○三○君○子○代○誣○金○半○餘○則○株○連○戶○族○以○竣○而○揚○州○
守○劉○鐸○亦○璫○毒○也○在○獄○禱○青○辭○自○祈○誣○以○祝○詛○掎○公○
與○鐸○交○通○擬○斬○不○數○日○當○棄○市○先○一○夕○公○與○惠○公○世○
揚○慷○慨○悲○歌○仰○天○大○言○曰○惠○給○事○方○御○史○歿○則○歿○矣○
千○秋○萬○世○謂○王○鈇○何○哉○獄○吏○請○就○縛○公○憫○然○無○動○容○
天○明○忽○傳○皇○太○子○生○得○免○而○當○意○愈○不○能○釋○日○遣○邏○
卒○伺○公○動○靜○公○踞○一○土○坑○讀○書○賦○詩○其○卒○或○時○時○佐○
公○飲○啜○不○厭○公○疑○之○卒○曰○此○我○妻○某○氏○聞○公○精○忠○手○
治○以○獻○者○也○公○因○賦○羅○刹○成○佛○詩○贈○之○故○其○報○璫○輒○
給○曰○某○病○革○某○瀕○死○璫○以○是○稍○稍○踈○防○丁○卯○八○月○秋○
讞○公○知○不○免○乃○作○易○序○年○譜○其○賦○詩○有○云○孤○臣○九○歿○
原○無○恨○要○典○三○朝○幸○有○名○會○毅○宗○登○極○逆○璫○伏○誅○
上○特○釋○二○公○於○獄○科○道○交○章○請○不○次○擢○用○而○長○山○劉○
鴻○訓○極○國○欲○索○重○賄○公○咲○曰○使○方○子○而○行○路○魏○璫○時○

已九列矣。持不可事。遂阻而公亦自謂吾與楊左同。被鍛鍊一時下獄。共十七人。今僅得兩人在白骨。再肉華表重來。若再作宦海汨沒之想。便是冥頑不靈。男子自是息影杜門。日事禪誦。絕口不談仕進事。亡何癸酉甲戌間。流寇克斥大江以北。人無固志。乙亥正月。穎霍告陷。賊至壽州。時壽守土無一官。父老子弟環公泣請爲城守。計公義不獲辭。破家給士。乘城拒守。捍禦諸具。一夕皆備。未幾。虜衆肉薄環攻。公親冒矢石。用砲殲厥渠魁。又縋城出。歿士劫其營。斬獲無算。賊乃駭遁。夫以數十萬之寇。攻彈丸之州。不可拔。且不費粒餉。不煩一兵。保淮揚。若金湯。及丙子冬。再犯和舍。道經壽界。去城不三里。而卒不敢正視者。公之威。俾之也。撫軍史公可法。上其功。當擢用。因冢宰某有小嫌。僅補嶺西叅議。未幾。有湯楊二將。踞廉州。以叛。總制沈猶龍。委南韶道王孫蘭往禦。孫蘭殉難歿。公毅然身任。單騎直入其營。二將聞公名。曰。此固巡按遼東。方御史也。某等敢不聽命。公諭以禍福。率兵皆降。全廣得安。不半載。擢爲廣西巡撫。蓋出于

上意外廷奉行而已。燕都陷，弘光立時南京方叙擁戴功，無意復仇。公聞痛哭拜疏言：先帝憂勤兢業，追踪舜禹，十七年辛勞崩于賊手。在諸臣自高夾日之奇勳，而微臣終抱攀髯之隱痛。又曰：雖祿山之割腹，有時候景之瓜熟，自落然臣願親提一旅過河，同諸勤王兵與賊一決。馬士英阮大鍼見之，顧曰：彼來吾輩無幸矣。遂矯詔云：撫臣勤王不得自行，公鬱鬱失志。每自言曰：南都諸臣忍忘先帝仇乎？吾當爲先帝驅螻蟻耳。病遽不起。索筆題詩，有一痛橋山幸回首。

麻衣如雪見先皇之句，兩粵人士無不哀之。長子至樸，仲子惟馨，端凝博雅，俱負至性。爲磊落奇男子，惟馨仕閩兵部司務，署篆瑞金。其上封事有曰：蕭土爲將而不爲天子，此光武所以復舊物也。宋高爲天子而不爲將，此紹興所以終南渡也。時謂名言，尋以清兵南下，痛哭疾走南雄，委頓逆旅，嘔血而卒。子居易，髮覆額，亦不願回里，隨歿之。論曰：啓禎之際，世稱忠節，楊左諸君子外，必推惠給諫方侍御云。及子遊，金僕獲，交待御先生之子方洞。

羞竊讀先生奏議與記事而嘆為一代經濟才也夫
 以先生按遼而遼有先生守壽而壽保及先生禦叛
 而叛服使得假以事權竟其磨墨楯鼻之技中興事
 業必有可觀而毋柰奸樞篡相寧可斷送封疆不肯
 破除門戶先後一轍俾大材不展齎志以終所謂國
 仇未復身先殞長使英雄淚滿襟古今同慨而予所
 尤難先生者居官不染纖塵遇事不辭艱苦與人
 留芥蒂既清任和之咸備且聞變不生恐怖備敵不
 吝金錢殺賊不聞姑息亦智仁勇之各足然則始終
 一節先生真天地間完人以視惠之優遊不決末路
 貽譏者相去為何如也傳曰鞠躬盡瘁死而後已先
 生有焉詩曰毋念爾祖聿修厥德先生之子若孫有
 焉

劉光祿傳

附曹荃疏

公諱元珍字伯先號本孺直隸無錫人也性伉儷少
 卽以名節自勵弱冠舉鄉試登萬曆乙未進士授南
 禮部主事移疾歸庚寅補職方郎有垣長某攝六篆
 操諸司權莫敢抗者公每事輒以理諍垣長曰此郎
 君不可與爭鋒唯唯聽命公益殫精部務核虛餉汰
 冗員節省金錢二萬有奇歲乙巳四明相當國以楚
 宗事忤郭文毅其徒乃布妖書引繩批根思一網異
 已者馴至考察大典群奸亦從而訐之上留察疏

不下○盡復臺省被察諸臣○公抗疏上言○首輔沈一貫○
比○昵○儉○人○錢○夢○臯○卽○如○考○察○一○事○內○則○假○公○以○朦○上○
外○則○挾○威○以○箝○下○既○借○皇○上○之○權○以○伸○其○意○復○竊○皇○
上○之○德○以○固○其○交○使○守○法○者○抑○勒○無○聊○席○輿○者○高○張○
無○忌○疏○入○詔○下○公○卿○會○議○四○明○及○其○黨○經○營○百○端○謂○
不○廷○杖○公○議○不○可○息○會○雷○震○郊○壇○竿○木○上○懼○反○杖○
旨○繼○公○疏○者○兵○部○郎○龐○公○時○雍○有○旨○皆○削○籍○南○臺○省○
陳○公○嘉○訓○孫○公○居○相○相○繼○極○論○四○明○乃○罷○去○當○是○時○
公○直○聲○震○天○下○公○歸○十○六○年○庚○申○神○祖○遺○詔○徵○言○

事廢棄者起光祿少卿辛酉三月至京是時遼瀋陷
沒舊贊畫劉國縉以招撫南四衛官民爲名擁數萬
衆入內投揭督餉侍郎令發天津登萊舡南濟公復
疏劾國縉投拜李成梁爲義兒與如柏如楨狼狽相
倚種害遠左已而被叅解任乃忽擁衆數萬竄入內
地保無奸細逸入其中國縉今日若能招撫逃亡昔
日必不扶同賣國昔旣惡其賣國而黜之今忽信其
招撫而收之呼吸安危豈容嘗試上以所奏闕切機
宜下部議覆部畏國縉之黨不覆也而兵垣請擢國

縉爲巡撫者則格不行未幾病卒京邸得年五十有一公少苦貧性尤儉約清素污萊歲入不飾宮室不殖瑤玩稍羸卽斥付施予倡率同志舉行同善會于邑中凡忠孝節義之貧者有助鰥寡孤獨之賢者有助其治家一尚嚴肅而尤善體人情嘗曰家衆造惡皆繇放蕩必示以不可犯之法至於臨事詔之當先語之當悉勿以不言之喻不戒之孚望蚩蚩氓林居十六年杜門不與外事而無念不爲民章善鋤惡聞里中有不平及刑法冤枉事輒慷慨論列鬚髯盡張

不達其志不止嘗有知交當路蘇之富民被誣陷大辟者投暮夜金公怒叱去之徐廉其在密爲雪不令之知其狷介如此公子三長明翔貢生仲明翰舉人仕中書季明翹諸生而文孫雷恒惠恒靄恒諸兄弟皆負才藻有聲于時惠恒中進士公歿後十餘年同邑以建言獲罪者又有曹公名荃字元宰號履垣登戊辰進士除南刑部主事崇禎間覩時政闕失疏請平刑云功罪者天下之公論偏用之則徼倖者生端勸報復無已賞罰者人君之大柄輕施之則習視爲

固然而威權不靈。以今人心懈弛。世道陵夷之秋。而
槩以尚德緩刑之說進。臣知其無當也。臣所求于聖
明者。惟欲用法之平耳。竊觀皇上所與共理天下者。
二三執政也。自錢龍錫以輔臣下獄。而政府畏罪。一
味柔腸。卽安危大事。躡嚅莫敢發口矣。所與綜核庶
政者。六卿之長也。自易應昌以執法重譴。而士師懼
禍。全用揣摩。卽昭然爰書游移。莫能自主矣。詞臣者。
啟沃之資也。楊世芳劉必達。素稱端品。以閱文拘謹。
置之司敗。而主試一席人。皆視爲畏途矣。監司守令。

一者郡邑之綱紀也。左應選力捍危疆。聲名甚著。偶掛
彈章。身幾不保。王忠孝清操自矢。囊無尺縑。禮數稍
踈。隨被逮訊。而保障者無必死之志。飲孽者懷不測
之虞矣。諫臣之設。欲其舉賢無隱也。王績燦吳執御。
吳彥芳以薦賢縲絏。而言路吞聲。雖有正人。端士不
敢入告矣。直言之旌。欲其糾慝不避也。摘叅厥衛之
許國榮。以鉛斤中法。指斥宦寺之馬思理。高倬以草
塲繫獄。而危言賈害。宵小益肆其矜誇矣。夫三代之
世。坐石垂縷。而民知恥者。罰當其辜也。叔季之時。深

文○腹○誅○而○下○不○辱○者○罪○浮○其○實○也○煌○煌○聖○世○雷○電○日○
赫○而○恬○不○知○警○至○矯○激○之○士○借○以○爲○名○高○詭○譎○之○徒○
因○端○而○希○說○可○不○爲○猛○省○乎○且○皇○上○今○日○而○欲○行○法○
則○內○臣○之○遣○尤○不○可○不○慎○也○何○則○內○臣○不○出○則○雪○霜○
雨○露○皆○屬○君○恩○內○臣○既○出○則○兵○刑○矯○飭○悉○歸○中○貴○今○
者○大○小○臣○工○毫○髮○細○過○一○經○指○摘○罰○不○踰○時○而○張○彝○
憲○巨○萬○贓○私○悉○置○不○問○邊○臣○餌○敵○立○就○榜○掠○而○王○
主○款○反○蒙○優○詔○然○則○內○臣○有○功○而○無○罪○有○賞○而○無○罰○
有○彈○駁○之○權○而○無○斧○鉞○之○臨○將○來○賜○張○奚○所○底○止○海○

內○元○元○誰○非○赤○子○內○外○人○臣○誰○非○耳○目○平○則○萬○目○皆○
舉○不○平○則○百○職○俱○隳○伏○乞○聖○明○垂○鑒○疏○入○謫○詹○事○府○
錄○事○再○疏○叅○劾○內○閣○中○書○黃○應○恩○并○及○首○輔○張○至○燮○
穢○狀○人○心○大○快○後○歷○官○福○建○副○使○所○在○有○惠○政○尋○告○
歸○申○酉○後○杜○門○不○出○賦○詩○樂○道○蓋○其○生○平○正○直○清○介○
雅○與○劉○公○相○類○云○
論○曰○曩○時○之○爲○鄉○大○夫○者○如○此○吾○每○見○邇○來○閭○閻○中○
有○冤○抑○事○縉○紳○率○環○視○相○向○莫○出○一○語○以○告○有○司○也○
賢○者○護○其○名○并○遺○其○公○不○賢○者○僭○其○名○乃○行○其○私○遂○

令賢者不言言者不信而桑梓如秦越矣如劉先生
一介不取辨冤雪枉誰則能之蓋是時東林方盛清
議大明以故毘陵三十年前其守令多廉明慈惠其
士大夫畏名簡不敢爲非皆先生與高忠憲景逸顧
端文涇陽薛尚寶玄臺陳太常筠堂諸公力也夫士
子策名仕路進則當爲朝廷樹業退亦應爲閭里造
福以予所見鄉先生閉戶好修者多矣求其慷慨任
事庶幾馬文忠素修曹憲副履垣猶有先輩之風焉
近則郡中楊靜山太史地方利弊奮髯抵几時爲嘗
事指陳又摠持聲氣獎進後學威鳳祥麟洵一代之
羽儀矣嗚呼安得盡如諸先生其人者而爲鄉邦典
型也哉

滿太僕傳

公名朝薦字震東湖廣麻陽人麻為辰下邑地皆重
 山深箐比隣苗獍風習粗獷鮮習絃誦公獨以才雋
 稱萬曆甲辰登進士高第釋褐令咸寧潔已奉公適
 中貴人以礦稅事至縣驕倨不謹苛歛暴索邑人皇
 皇無所控訴公方坐堂上忽投袂鼓鞀起日邑蕞爾
 吾奉朝廷德意推心腹臨之若笑笑赤子旦夕哺不
 忍稍違逆而豺虎乃肆薰灼其將使醜為草菅乎吾
 寧與此蠹賊俱死終不能喑喑坐視下令民敢往者

獵逐之。咸寧人遂大噪。將甘心中貴人。中貴人怖甚。急走逸去。因誣奏公凌轍。近侍無人。臣禮。天子震怒。命提騎逮公。至則下詔獄。五年不釋。廷臣紛紛上請。何至今。卓魯喪氣。獨坐兩墮。縱其欺。後且以骨鯁爲。股。鑿有鬚眉者。盡絀矣。疏累入。不省。久之。始以覃恩。得赦歸。光宗卽位。奉遺詔起廢。天啟初。累官至太僕少卿。會際時艱。遼陽失陷。廷臣各懷私樹黨。沽激。聚詔。公發憤上疏。曰。前史著戒。典亡。卒。禮所用親賢。遠奸。亟進危言。引正類。則治。疎賢。讒奸。巧飾。諛辭。暗。

傾。隱。搖。雖。治。亦。亂。陛。下。思。加。大。小。臣。王。亦。欲。其。汲。引。賢。能。清。理。政。刑。豈。謂。排。方。正。壞。典。刑。置。國。家。蠹。蟻。沸。羹。耶。今。乞。骸。周。嘉。謨。劉。一。燦。顧。命。大。老。以。讓。去。孫。慎。行。介。石。守。禮。宗。伯。以。封。典。絀。王。紀。司。寇。執。法。以。交。章。革。職。而。陰。險。閣。臣。更。三。十。劾。疏。獨。惓。惓。去。猶。加。異。數。焉。建。言。倪。思。輝。朱。欽。相。削。籍。周。朝。瑞。惠。世。揚。拂。衣。策。邊。則。款。夷。索。貲。百。萬。邊。臣。慮。其。飽。不。足。而。歲。錙。銖。餉。伍。士。度。支。以。奢。戒。也。棄。城。則。罪。人。定。爰。書。或。庇。縱。之。而。旬。月。矜。疑。反。深。督。焉。緝。奸。罪。有。常。律。鮮。溢。平。戾。若。

近奸人獻遼廣使果卽萬死奚贖乃湖兵臣郡辰州
應募者親見遼陽之失禍起撫臣表應奉納降夷廣
寧則王化貞齋金暗西部不應反恃此懈防守又謬
聞渡河信遽首鼠走未聞獻送者令謀求奸細思爲
化貞出脫何也若賦輸軍國織悉皆民膏血乃棄城
罪撫擲三千萬巧賈撫贖銷去三十萬泥沙不啻何
至重疲省郡迫之擬而走險耶閣臣職票擬主持清
議時在剝復宜謀漸矢救正今疏忘才壞法非輕
斥則兩可或徑行殛奸匡國則公持之甚或加爵平

章謂何一切顛倒貿亂成於陛下十二成於當事大
臣十九剛愎者放縱机鋒柔險者委蛇營壘和狃者
觀望聲息游移者虛擁遼廬祖宗彝典以訛言屑越
之忠賢以毒螫摧折之基圖以私暱破裂之陛下何
負臣子乃臣子負陛下至此愚臣豈不知韓文謫于
暴閹楊繼盛死於賊輔然正性公憤不願見神州陸
沉也疏入當事怒甚遂削籍爲民臺省疏留報聞而
已後竟以廢棄終於家
論曰稅璫之難枿楊相接諸守令司理以強項獲罪

者多矣。然惟公與馮憲副應京吳令宗堯最著侃侃
聲。後復見天日。吳馮皆前死。終始一節。公一人耳。固
有與公同難。既脫。狴狴攘臂進取。則耗國家數百
萬金錢。處則橫行裂眚。魚肉廬里有前後兩截。視公
何如也。聞公削籍。辭朝日。疏中所劾輔臣。亦以賜蟒
馳驅。同公拜闕下。公青衣破帽。躐躐道旁。高忠憲指
謂去輔。曰公榮則榮矣。能不提潛君乎。其人而發赤
不應。而揚忠烈二十四罪。亦論賢去國者。亦首列
公。然則身輕似葉。名重如丘。公之謂哉。

侯太常傳

公諱震錫。字啟東。號五觀。直隸嘉定人也。成萬曆庚
戌進士。初官行人。凡三奉使。跋跡幾數萬里。單車匹
馬。不擾廚傳。入爲吏科給事中。論經撫論三案。以爲
當斬除葛藤。別白功罪。其言明白正大。舉朝避之時。
璫焰未熾。適客氏再召。公請收成命。以勾結奸璫。傾
危椒寢爲言。奉嚴旨切責。未幾特疏糾劾四輔。暴白
構殺舊璫王安事。切中時忌。內批調外公。又出疏揭
極論民瘼。國計并降二級。歸公。歸後三年璫禍大作。

公亦病且死。崇禎戊辰，得復故官，而公弗待矣。公性
孝友，居平質厚沉澁，不苟訾笑。與人交，肫肫懃懃，聞
人死喪，急難之故，必爲側席而坐。咨嗟嘆息，坐客皆
爲不懽。閒居休沐，輒討論軍國大計，或語及人才，國
恤則蹙然如不終日。蓋其大志欲以虛公正直爲國
家塞朋黨之議，救清流之禍。其稍閒，則修復畿輔水
田，及吳淞水利，講求數百年利病。以康天下而遭
離離，萬不一試。徒以諫官自見而已。公死，其子岫曾
具疏請卹，詔贈太常少卿。岫曾乙丑進士官通政。

與弟諸生岐魯子玄演玄潔俱以氣節名世。

論曰：余聞太常將論四輔時，爲壬戌二月。時將廷試，
以疏草示文肅公公。淡歎服之曰：是疏上必拜嚴
旨，蓋少需時日。蓋四輔俱被糾，當引謝則無人讀卷。
必中以法而後出其長。君言此鮮魚也，枯而後食之。
乎遂不顧禍患以卒。上此疏也，吾見嘉隆以前直言
之臣多不避利害而遇禍。近日直言之士每多瞻顧，
而卒與禍患相并。如太常公之知其必中法而卒言
之者，亦猶古人之風也哉。

虞稽勳傳

公諱淳熙字長孺號德園浙江錢塘人也。生而目眇，炯炯晝夜不瞑。三歲授書，卽成誦。十五應童子試，試經書論策五道，立就。主司驚不信，掩卷令背。公不屑，岸然去。十七補諸生，學使者以爲天下才。一時名公如王元美、李于鱗皆器重之。己卯舉鄉試，癸未成進士。旋丁父艱，茹蔬啜粥，廬居三年。服闋，授兵部職方司主事。時朝鮮絀兵，朔方叛人戕大帥，軍書狎至，公爲大司馬。石公應星條八議，預刻火落赤，晦日及關。

白死期無纖髮爽石公顧不能用曾侍郎兼其議減
軍儲軍大譁飛石擊侍郎首侍郎奔匿省中則相與
逼近朝門而誦石司馬大聲言仍額給不減譁甚莫
聞公急取虎牌大書不減軍糧四字以麾遂散去嘗
護作昭陵會昌平戒弛遊騎千人直通紅門駐馬吹
唇若沸相顧問珠襦玉匣守將愕眙罔措公徐率緹
騎結方陣半隱林中鳴鉦駭之遂遁去尋遷至客員
外郎踰月改司勳又踰月引疾歸明年當大討京朝
官而吏部尚書孫公鑑考功郎趙公南星以書逐政

府私人賈怨言官阿政府意欲中尚書無隙人公所
補爲司勳呂某缺呂清簡公甥也有流言遂借呂楮
拾公謫公行賂以觀尚書考功之俯仰尚書果大詫
疏言淳熙恬澹直遂老臣素重其品且貧安所得金
言者妄淳熙不當罷旨下留用言官亦內自悔而一
給事獨爭之力詆銓部專權擅留不敬上以爲然誚
尚書尚書屹不爲動執奏如初于是上大怒奪尚書
俸降趙公三級免公官而僉都王公汝訓通政魏公
允貞大理曾公軋亨及諸曹郎陳泰來顧允成輩十

餘人各抗疏請留淳熙且歸咎政府上益怒諸曹郎
謫有差公與趙公俱削籍公歸而偕弟僧孺隱南山
回峰下採蓴行樂嘯咏惟適棲寂課玄六時不輟足
跡不窺官府雖臺府大吏及四方遊客欲一識面不
可得而宏護淨業所在經筵法席以身爲導又愛憐
名勝卽兩峰六橋三潭間松石花鳥虫魚之屬咸以
公爲天天啓元年坐而歿歿後頭顱如蕪支無碎戾
或謂尸解去云公性至孝尤嗜書自少喜談神通謂
人生貴悟道不則班馬淵雲第嚙語蕭曹衛霍向矣

中行耳嘗登天目坐斷崖豁然得悟嗣後神明四闢
事至輒先覺所著詩文六十卷及陰符演樂二子孝
經適言集靈大學繁露等書行世子二宗攷宗璿皆
以文名能克紹其家學云

論曰予聞公童子時夢遊武夷引桃枝擊空見龍沈
鶴鳴吟曰龍沉海底日鶴鳴松下風鳴呼出而屯雲
雨之澤處而遊塵瀟之表神先告之矣遇不遇何足
爲公悼哉善乎黃寓庸先生之傳公曰迹其所志大
都以儒爲行以玄爲功以禪爲歸以山水爲寄托以

詞翰爲遊戲以闡述爲經綸古之所謂得道畸人是
耶非耶斯可謂之知言也已

吳太僕傳

公諱默字因之南直蘓州人也中萬曆壬辰會元文
體高潔推制科陶鄧后一人以不附權貴廷試得二
甲授禮部祠祭司主事謚典屬其職掌列應補應事
者若干人初嘉靖時呂南渠以大學士掌南京吏部
事阿分宜意考察失平公議奪呂文安謚雖竟寢不
報然聞者實避之後任尚寶時朝班站立祖制重鄉
在詞翰之前向本司讓之公毅然欲復制持論甚堅
與時不合值入朝昂然執笏前趨詞林中有誤信不

諸典故者公正色曰雖違衆禮也衆詞林不平譏于
內閣貽書往復不爲屈因得吳鐵漢名當其任尚寶
入都也道經淮上時淮撫李三才交結權貴勢焰甚
灼邀公飲因佯醉語曰朝廷欲我大拜公知之乎公
折之曰公安得有此李遂色阻先是吳江有兇軍鼓
譟事李備護衛官特疏糾叅劉令時俊初令下車最
風采公初不與識面也力白其事于河南掌道某云
汝縣令之賢者三百年前則李鳳崗後則劉夢胥耳
掌道出叅揭于袖中公覽畢嘆曰肯爲百姓受過正
令所以賢也掌道力白于總憲公詰朝又訟言于朝
房謂軍強民弱一至于此時冢宰孫公瑋僅罪俸二
月迄奉差歸晤劉絕不言保全之力劉亦不知保全
出自公也諸地方有大利害及鄉曲有冤不能伸者
廉其實力與雪之吳氓賴以爲天其他雖子孫赴試
亦不通一赫蹠也與東林諸公交契無間然和而不
同無赫赫黨人名周忠介順昌被逮公與款洽且助
之鑑吳風溺于火葬公所目擊者徃徃出資掩之遇
饑首倡減價官糶沍寒時出布絮以衣凍者方外募

化則絕不與一通曰此輩不耕而食不蚕而衣天地
一蠹也又不妄徇佞佛者云

論曰不爲威屈不爲利誘惟公有焉蓋其大節皦然
不可損矣公之生也清議大明豪強斂跡及其歿而
縉紳士大夫相率杜門緘舌莫有爲地方任事者卽
一漕兌軍強民弱害且日甚而郡邑守令亦徃徃無
所顧忌然則公之有裨風教也不益信矣乎

馬左都傳

公諱鳴起號劬思福建龍溪人也中萬曆庚戌進士
初令浮梁調繁新建其撫字催科一以真誠不事鉤
挾是時江國頻年水潦民轉徙迭亡無所得食公徃
徃泛小舫出沒烟雨波濤中勸糶捐賑湖泊之民賴
以全活者無算已未考選廣東道御史既立西臺論
天下事淵淵金石其最大者以保姆夤緣出而復入
識者寒心公義氣孤舉抗疏上言 祖宗家法親王
既長出封就國太子冊立使居東宮家人父子之間

毫不假借○今乃一介保姆○長居禁地○不便一庶民之家○禮法自持者○恒嚴闡域之戒○紫禁邃遠○保姆何人○乃輕出入○不便二夫貫魚承恩○小星誦德○美宜家者○方慕刑于之化○且女德難終○嬾怨不極○怙寵邀恩之○漸可無履霜意外之虞○不便三宮闈動定○原非外廷○所能窺然○弓影無傷○生疑鼓鍾○時間于外○近習權璫○線索易透○涓涓不已○將成江湖○不便四今之出入外○廷○以爲不可○而爭之○皇上怒其沽名而罪之○書之史冊○謂以一寵嬾之故○相繼逐言官○貽累聖德○不便五

國體所關○內占切責○閣臣不力○主持則貽譏青史○主持不能得之○皇上使天下後世謂皇上視輔臣不及一保姆○輕朝廷而羞當世○不便六疏入上震怒○幾予杖○尋得免○同文獄起○蘭艾俱焚○而公以抱蔓之餘○猶得外參藩服○尋告病歸○戊辰特起大理寺丞○歷通政太常爲南戶部侍郎○南中固湯沐地○其護陵軍士○嗷嗷待哺於各省郡邑○而各省郡又徃徃以水旱奸解○逋逃多不足額○公悉心籌量○清積耗○勸挽輸○雖當軍興○孔亟羽書旁午○而絡繹舟車○應檄而至○士飽馬騰○

豐鎬奠安未幾擢總南憲時流氛烽火照耀金陵遠
近震恐公與九卿畫守江口碁布各門勸賑貧氓稽
謀奸細晝夜乘俾不遺餘力用是病頓以卒方疾革
時猶貽書司農力寢屯戶折糧之議劾忒司城申明
闕說請托之禁苟無媵侍篋止圖書操江御史中丞
上其狀予祭葬贈廢如例

論曰世稱先生經濟煜煜督南庾而倉廩充盈總留
憲而紀綱整飭卒致盡瘁殞身豈非以死勤事者乎
而予尤重公者當保姆之再召正聖怒之方嚴而公
獨昌言不諱自簡秋霜其不從比于地下者一闕
耳公真不愧忠直臣矣

姜太常傳

附 哲思睿疏

公名應麟字泰符別號松檠慈谿人父國華嘉靖乙未進士歷官少參所至有廉惠聲公天資穎悟七歲能文章嘗作汲黯論謂黯忠而不學直而少補能寢逆謀動人主敬禮乃以出守為嫌非純臣誼少參公喜曰卿汝他日能不懟也萬曆癸未成進士選庶常授戶科給事中時皇太子生五年矣鄭貴妃生福王寵冠後庭久不立儲中外危疑復進封貴妃為皇貴妃公惕然憂懼約同列共爭之明退竟無發一言者

公就垣中草疏入奏略曰禮貴辨嫌事當慎始貴妃以孕毓蒙恩豈曰不官但名號太崇亦所宜慮且貴妃所生第二子也儼然亞位六宮恭姬誕育元嗣翻令居下揆之倫禮則不順質之人心則不安傳之天下萬世則不典非所以重儆誠定衆心也願皇上裁之以義示之以公收回成命册立東宮以定天下之本神宗震怒禍幾不測忽稱壽遂奉立儲自有長幼之旨出尉廣昌量移祿于令尋以憂歸光宗卽位特以太僕卿召爲起廢諸臣之首熈宗初取瑞

禍漸興公知正直不容卽投劾歸下鍵著書不輟寒暑性好施急婚葬囊無隔宿儲讀書談道不以動心生平所交好如鄒元標顧憲成史孟麟楊漣魏大中諸君子千里同堂非其人比閭不相見也卒年八十有五從子御史思睿請卹典贈官太常寺卿思睿字謂明中天啟乙丑進士嘗上陳天下五大弊一曰競小利而忘大害言加派一事爲此說者曰一畝數釐百畝之家數錢耳不知百姓當情所不堪雖一毫一絲視之甚重且窮鄉一聞額外之征無不恫怨怨乃

在○禍○異○乎
離○離○乃○生○亂○卽○今○流○賊○縱○橫○蕩○搖○秦○晉○揔○由○窮○蹙○之
攫○逼○迫○而○起○臣○恐○一○方○有○事○雖○以○數○省○加○派○猶○不○足
用○若○使○窮○民○思○亂○在○在○若○秦○晉○更○執○何○民○而○嚴○剝○之
哉○今○不○從○額○內○清○夙○弊○而○乃○從○額○外○斂○衆○怨○是○剝○民
以○養○兵○適○驅○民○而○爲○盜○也○二○曰○名○節○省○而○實○浮○靡○言
裁○減○驛○遞○實○以○清○汰○冒○濫○之○弊○厥○名○甚○美○乃○徒○使○冠
裳○負○販○雜○居○旅○店○而○所○禱○司○農○者○有○幾○若○以○郵○皂
號○便○宜○舉○此○項○支○費○還○之○民○間○今○減○派○之○令○未○遽○見
之○施○行○而○各○適○民○千○百○爲○羣○倚○任○輦○金○以○續○命○者○饒
餓○待○死○散○而○爲○盜○是○在○官○不○得○裁○減○之○用○在○民○不○受
裁○減○之○惠○也○三○曰○搜○剔○愈○清○而○頭○緒○愈○亂○四○曰○懲○忿
愈○多○而○頽○廢○愈○多○五○曰○操○之○愈○急○而○應○之○愈○緩○語○皆
關○切○廟○謨○後○國○事○潰○敗○卒○如○其○言
論○曰○太○嘗○公○立○朝○大○節○首○在○建○儲○一○疏○斯○其○人○豈○貪
祿○位○而○毀○名○教○者○哉○功○高○羽○翼○名○重○鼎○彝○雙○鬢○四○朝
孤○忠○一○代○庶○幾○與○端○文○忠○介○同○不○朽○矣

程侍郎傳

公諱紹字公業山東掖縣人也中萬曆

進士除

汝寧府推官廉明仁恕多所平反從賑荒使者巡行
河雒單車徒步與殘民相勞苦民擁道泣曰微公吾
儕小人無孑遺矣行取擢戶科給事中當是時人主
深居貂璫四出大臣環私植黨舉朝貿貿然一時行
霧霧中公以別白賢奸澄清世道爲已任白簡屢上
皆彈劾執政私人無少貸執政心銜之礦稅之使奏
逮有司銀鐺桁楊道路狼籍公再三論救危言抗論

屬冒忌諱遂除名爲民里居二十年光廟卽家起
太常寺少卿旋丁外艱服闋拜太僕寺卿陞副都御
史巡撫河南凡所興除不踰漏刻櫛垢爬癢若民自
爲儀封宗人爲盜囊橐淫虐彰聞莫敢向問公列上
其罪狀詔囚送高墻諸宗惕息天啓四年玉璽出臨
漳公上疏曰秦璽之不足徵久矣今璽之出適在臣
疆內道路誼譁流聞禁闕旣不應還瘞地下又不敢
私秘人間欲遣官恭進跡涉貢媚非臣誼所宜亦恐
皇上之所寶者在彼不在此臣雖什襲荐之而皇上

且瓦礫置之也昔王孫圉不寶玉珩齊威王不寶照
蠶夷偏伯猶知尊賢寶善炤耀史冊况於明聖之
主乎今之大臣如總憲鄒元標馮從吾尚書王紀盛
以弘孫慎行侍郎曹于汴等憂國奉公白首魁艾又
有一斥不還之詞林久錮不起之臺諫思皇多士國
之寶臣臣不能挽回天聽汲致明廷徒獻符貢璽效
七十二代之故事臣竊羞之伏望我皇上怡神寡欲
親賢納諫在朝之忠直勿事虛拘遺野之名賢急爲
登進玉璣陳於清廟瑚璉賁於明堂共襄大器永固

金○隕○雖○謂○虞○舜○黃○璽○夏○禹○玄○圭○至○今○存○可○也○區○區○傳○
國○寶○豈○足○論○哉○逆○奄○方○侈○言○符○命○得○公○疏○大○怒○遂○移○
疾○告○歸○至○崇○禎○初○起○工○部○右○侍○郎○四○疏○乞○休○得○請○歸○
卒○詔○贈○工○部○尚○書○公○爲○人○深○沉○篤○厚○真○率○坦○夷○善○善○
惡○惡○根○於○天○性○與○人○交○虛○懷○折○節○退○朕○如○不○勝○衣○一○
且○犯○大○難○解○大○疑○捍○大○患○雲○行○雨○施○雷○轟○電○掣○死○生○
禍○患○視○之○蔑○如○也○中○州○承○平○久○兵○馬○芻○糧○藩○司○窟○穴○
其○中○公○一○切○按○覈○計○軍○實○而○申○做○之○中○州○有○兵○殆○自○
公○始○已○已○冬○北○兵○薄○都○公○募○壯○士○入○援○自○辦○行○糧○七

千○餘○兩○事○平○議○敘○公○固○讓○曰○主○辱○臣○死○用○此○敘○功○獨○
不○慮○貽○敵○哂○乎○其○慷○慨○任○事○得○大○體○如○此○
論○曰○余○聞○當○日○玉○璽○之○獻○也○天○子○親○御○文○華○門○璽○
貯○御○前○逆○奄○手○捧○之○憑○軒○頌○示○羣○臣○皆○呼○萬○歲○傳○制○
受○賀○而○罷○奄○初○侍○上○側○傳○璽○時○當○宸○而○立○指○揮○下○
上○示○人○以○魁○柄○在○手○非○人○臣○之○度○也○已○而○屢○興○大○獄○
斬○除○善○類○幾○至○移○國○程○公○之○奏○上○玉○璽○有○以○哉○以○道○
事○君○知○幾○其○神○矣○觀○公○身○事○四○朝○敷○歷○中○外○懸○車○致○
仕○以○恩○禮○始○終○錢○牧○齋○先○生○論○其○遭○際○謂○猶○有○慶○曆○

熙○盛○世○大○臣○之○流○風○焉○嗚○呼○休○矣○

沈光祿傳

公名應奎字伯和號湛源南直武進人也中萬曆乙酉舉人由學博為裕州知州以循卓第一入為刑部主事見時事空虛特上國勢危迫疏極言儲講不宜久虛瑞府封婚不宜再緩而畿輔饑荒無告錢糧併年竝徵小民啼號鬻賣兒女鞭笞所存終歸溝壑且邪正混淆賢奸倒置至獲罪稅監滿朝薦者正直忠良廷臣所少猶未立釋生還應亟賜之擢用又以代藩庶子鼎莎奪長事論劾大學士李廷機不報出守

汀州關陂濬泉教民耘佃至手製農具以示真有視
民事若家事者會稅監高家播虐特聲討罪檄時家
將自汀入粵公大書榜示直達會城曰稅監將入海
從倭抵汀境太守當領吏民擊殺之案聞縮舌而止
其壯往敢決能出大言斷大事皆此類也尋聞繼母
病遂棄職歸後觸時忌乃中考功法大學士葉文忠
向高再召入用采輿論起陞南光祿少卿逆奄柄國
又削籍久之卒於家公矜節誼重然諾孤標正學士
林翁尊少卽有絕力巍然以豪杰自負鄉里俠少年

皆附之夫人邵氏丹陽邵芳女也芳任俠爲江陵所
殺族人欺其子幼欲殺之而分其產聚而圍守其廬
公集拳勇少年十餘人爲乞丐裝毒殺其猛犬繼墻
而入奪其孤嫠以歸芳以布衣入長安傾動中貴人
起高新鄭於田間所謂趙樛休者也公固老於公車
嘗獨行費縣山中求問管仲廟輿人舁入古廟中卽
下去少年數輩扛巨木楛其門公睨而笑曰是須數
輩乎揎袖平舉之卧之於地一少年指神前石鼎曰
能舉是乎公兩手提之若挈壺甌行數十步復置故

處羣輩舌吐不能收。公故繞廊廡觀象摸碑。久之乃去。日下春徐步歸旅館。人驚曰：客豈有兩翅從虎穴中拔出耶？飯河間邸舍有騾食人圍觀如墻。公怒曰：奈何縱獸食人？吾不得為男子矣！持鐵簡信步往騾舍而撲公三撲三避之。從而擊其目，鐵簡陷入尺許。騾仆不能起，盡力擊之，乃斃。下第還，其人迎拜道左，面目鏤其半如混沌焉。駙馬楊春元尚榮昌太長公主慕公忠義，以兄事之。每為言國本危疑，謀擁祐太子。公奮臂曰：吾不能為商山老人，獨不能為安金藏。

乎當官刑部郎。神宗不豫，召閣臣至宮門而返。福藩猶在邸，中外洵懼。福清謂公曰：事不可知，且奈何？公曰：竭股肱之力，以死衛太子萬一有變，公必死之。請以不肖軀殉公。福清要公宿朝房與計事，令大司馬列兵圍諸王府第。大金吾領緹騎巡視皇城，戎政分部京營兵屯九門。藩府人不得闌出邸第，中外寂然。公褰甲與福清同卧，起示不獨生。神祖勿藥乃出。在汀州鄉人為御史，按部至汀，每夕傳鼓入院，指天象示之曰：客星犯前星甚急，奈何？御史大笑之。已

而有挺擊之事。公於衆中責御史執其袖曰：「此大事，公安得不言？」吾向語天象云：「何顧左右趨紙筆，卽堂上起草。」御史大驚，且執其手，囁嚅祈少緩，乃趨而出。生平與錢宗伯謙益爲神交，謙益嘗訪公村居，木榻布被，沾濁醪如餲飯，粗糲棘喉，公飲噉自如，牀頭樹銅簡二，其高等身，夜分謂謙益曰：「代藩之議，彼不悔禍，當持此簡擊殺老魅於朝堂，旋自刑以明國法，何暇與喋喋爭壤筆牘間乎？」俄而執簡起舞，有風肅然，晶光閃爍，上下寒燈吐芒，四壁颯拉，是時公年已七十餘，其英風壯氣老而不倦，如此身沒未幾，子孫有負薪者，輿論惜之。

論曰：國朝特重資格，士由乙榜進者，非功名赫奕，事業著聞，解克表見於世。若沈公，不過閒曹外吏，乃當日立朝，丰采日麗，霞騫身後，表儀淵渟，岳峙有甲科所不及者，宜乎錢牧齋先生亟向余稱海內奇偉，儻節俠之士，蓋無如沈公也。嗚呼！先生豈妄許人者哉，是可以知沈公矣。

安光祿傳

公諱希范號我素南直無錫人性孝友敦族讓產里
無間言成萬曆丙戌進士爲行人陞禮部主事調南
京吏部時高公攀龍昌言蒙譴公慷慨論救謂年來
直臣不安於位賢士削迹于朝趙南星孟化鯉銓臣
之秉公持正者舉次第屏黜趙用賢天下皆知其品
止以吳鎮一疏而歸至如孫鑰之清純公正李世達
之練達剛明李楨之孤介廉方皆先後去國天下共
惜諸臣之不用而疑閣臣之妬使不得竟其用也近

見行人高攀龍疏。正直和平。此皇上之忠臣。輔臣之
諍友。反蒙重斥。吳弘濟疏。別君子小人。洞悉肺腑。乃
與攀龍相繼得罪。臣恐君子退。小人進。誰為受其禍
者。疏入。上震怒。削籍。歸時。顧端文方糾同志論學。東
林冠裳輻湊。擬於鵞湖講席。公猶夷其中。廓如也。所
居膠山麓。喬木數百章。碧流千頃。杜門不出。出則乘
一画舫。列綺窓十二。圖陶元亮。張季鷹。蘇端明。米南
宮諸名賢。以為五湖烟水伴。恣其所之。樂而忘返。朝
事變遷。總付不聞。會當此湖。再賓嘗作詩誌痛。有受

遺元老仍增秩。用藥鴻臚也。賜金之句。尋卒。于家贈

光祿寺少卿

論曰。吾邑宿稱禮義之邦。當神廟時。先生與顧高

劉葉諸公。侃侃立朝。所言皆係正邪進退。國運平陂。

至今讀其疏。如見其人也。昔王伯固先生云。人生仕

至三公。大都三。四十年。惟立身行道。千載不朽。世之

人。顧以彼易此。何與。

鄒忠介傳

公諱元標號南臯江西吉水人也中萬曆丁丑進士
 觀政刑部遇江陵相奪情公上疏指斥其非謂居正
 才雖可為學術則偏志雖欲為自用太甚進賢未廣
 矣因太濫言路未通民隱未周若令在京守制天下
 後世謂陛下為何如主疏入上震怒杖一百謫貴
 州衛即日就道在戍所讀書講學生徒就者數百人
 有巡方御史至衛操閱公必戴鐵帽號衣持戟負弩
 雜軍伍中巡方知之亟遣人謝罪公厲聲曰此君命

也○何○以○謝○爲○神廟親政擢爲給事中知無不言旋
忤時○天○啓○改○元○起○刑○部○右○侍○郎○入○朝○首○疏○言○今○日
急○務○惟○在○和○衷○朝○臣○一○和○天○地○應○之○何○論○事○論○人○者
各○有○偏○見○偏○生○迷○迷○生○執○執○而○爲○我○不○復○知○有○人○而
禍○且○遺○於○國○又○續○陳○未○議○一○曰○拔○茅○一○曰○闡○幽○一○曰
理○財○一○曰○振○武○一○曰○驛○遞○又○言○保○泰○四○要○一○曰○簡○二
曰○儉○三○曰○和○四○曰○厚○又○疏○請○卹○忠○直○諸○臣○陞○都○察○院
左○都○御○史○會○遼○陽○不○守○經○撫○罪○案○紛○紜○各○祖○公○奮○筆
言○王○化○貞○用○而○反○爲○用○用○開○而○反○爲○開○用○宜○伏

上○刑○熊○廷○弼○有○蓋○世○之○氣○料○敵○之○明○而○喪○師○失○地○功
罪○同○科○比○楊○鎬○多○一○逃○較○袁○應○泰○欠○一○死○人○服○其○正
當○是○時○馮○恭○定○從○吾○爲○副○憲○與○公○同○心○因○建○首○善○書
院○尋○山○中○講○學○盟○而○科○臣○朱○童○蒙○等○特○疏○訐○公公○疏
陳○共○學○之○原○以○定○衆○志○畧○言○隆○慶○卯○辰○間○徐○階○當○國
手○書○識○仁○定○性○二○書○與○諸○士○人○商○度○今○未○嘗○以○是○少
其○相○業○神○宗○酉○戌○間○臣○等○亦○每○集○于○演○象○所○月○有
講○會○時○執○政○諸○臣○嘗○過○而○問○焉○若○以○講○學○惟○宜○放○棄
斥○逐○之○日○以○此○澆○其○磊○塊○消○其○抑○鬱○無○聊○之○氣○則○如

切○如○磋○者○道○學○一○語○端○為○濟○窮○救○苦○之○良○方○非○盡○性○
至○命○妙○理○亦○視○斯○道○太○輕○視○諸○林○下○臣○太○淺○矣○連○上○
四○疏○乞○休○以○去○魏○璠○矯○旨○削○職○居○亡○何○卒○崇○禎○初○追○
贈○太○子○太○保○諡○忠○介○公○為○人○正○直○忠○厚○當○初○入○朝○朝○
右○望○見○公○衣○冠○以○為○有○異○門○墻○高○峻○如○泰○山○喬○嶽○之○
不○可○仰○而○嚴○霜○烈○日○之○不○可○近○公○顧○頽○然○藹○然○威○儀○
易○直○語○言○坦○率○無○人○而○不○得○至○其○前○一○段○懇○懇○愛○人○
之○念○渾○渾○赤○子○之○心○絕○無○分○毫○矜○名○負○氣○籠○罩○矯○飾○
之○態○嘗○言○人○才○少○有○少○用○老○有○老○用○長○有○長○用○短○有○

短○用○我○為○紅○爐○是○鐵○可○鑄○我○為○太○虛○凡○鳥○可○飛○在○都○
門○過○錢○宗○伯○謙○益○邸○舍○抵○掌○談○笑○欠○伸○於○坐○隅○之○榻○
語○方○更○端○未○悉○摩○腰○坦○腹○齟齬○熟○睡○矣○又○方○中○丞○震○
孺○謁○公○於○家○蕭○然○一○室○臥○榻○之○側○繫○一○伏○雖○坐○談○良○
久○卽○命○夫○人○烹○以○饗○客○會○以○之○官○至○彭○澤○公○懼○毋○舟○
墊○泊○欲○亟○得○夫○而○夫○星○散○公○持○尺○牘○呼○尉○至○厲○詞○詰○
之○須○臬○夫○集○舟○行○公○旋○自○慚○悔○不○已○呼○尉○至○以○好○語○
慰○勞○之○遺○祥○刑○要○覽○一○冊○每○謂○人○曰○惟○臬○惟○梓○必○恭○
敬○止○彭○澤○吾○桑○梓○地○奈○何○以○尉○而○遂○忘○恭○敬○心○乎○詞○

暴氣龐恐不可令知者見也。其疎節直腸。謙光古道。大都若此。然於軍國大故。朝廷大議。人才摧折。忠邪消長之故。一語及之。意氣全滿。日光注射。若矢之激。弦星之奔杓。會不可禁。禦每有所見聞。輒草疏入告。伸紙屬筆。率其意所欲言。其所以告君父者。一如其告賓朋。告妻子。意不假膏飾。文不加點竄。久之。或併其創。蒙忘之。公歿後。閩人林銓梓。其奏議詩文若干卷行世。

論曰。西江鄒氏。系自武林。則溯木本水源。忠介公實與吾家同譜云。稔知忠介之爲人也。明識治道。如賈太傅。通達國體。如陸敬輿。質直不阿。如汲長孺。廉潔無私。如包希仁。忠義懇篤。如司馬君實。是固國朝之麟鳳。豈止家乘之山岳乎。顧自江陵以後。忠介見忌時相。不得大用。晚登三事。復爲奄黨論逐。以死惜哉。古人有言。憂民如有病。見客似無官。惟忠介公足當之矣。



